

Թ Ո Ւ Մ Ա Ն Յ Ա Ն Ը
ԺՈՂՈՎՈՒՐԴՆԵՐԻ ԲԱՐԵԿԱՄՈՒԹՅԱՆ ԶԱՏԱԳՈՎ

S. Ա. ԿԱՐԱՊԵՏՅԱՆ

Իր ողջ կյանքի ընթացքում Հովհաննես Թումանյանը թե՛ հրապարակախոսական և թե՛ գեղարվեստական գործերում բազմիցս անգրագարձել է ժողովուրդների համերաշխության և բարեկամության ամրապնդման խնդիրներին, նրանց երջանկության նախապայմանը համարել է ազգերի եղբայրությունը, ու խաղաղ գոյակցությունը: Այդ իսկ պատճառով, հակադրվելով ազգամիջյան պառակտումներ բորբոքող ցարական իշխանությունների քաղաքականությանը և ելնելով անդրկովկասյան ժողովուրդների տերիտորիայի միասնությունից, շահելի ու պատմական ճակատագրի ընդհանրությունից և դրանցով պայմանավորված սլոգանի հոգեբանության ու սովորությունների նմանությունից, որոնք նպաստել են նրանց բարեկամության ամրապնդմանը, Թումանյանը ձգտել է ոչ միայն կանխել ազգամիջյան ընդհարումները, այլև իր ժամանակի առաջադեմ գործիչների հետ միասին մերկացրել է ազգամիջյան կռիվներ կազմակերպողներին և իր ստեղծագործության մեջ արտացոլել ժողովուրդների բարեկամությունն ու նրանց շահերի ընդհանրությունը:

Հումանիստական նման աշխարհայեցողության արտահայտությունն է «Հաշտություն» բանաստեղծությունը: 1892 թ., երբ ցարական միապետությունը մի կողմից բորբոքում էր հայահալած քաղաքականություն, մյուս կողմից՝ փոխադարձ թշնամանք ու սպառնալիքներ պառակտումներ հրահրում ինչպես մյուս ժողովուրդներին, այնպես էլ հայ և վրաց ժողովուրդներին միջև, Թումանյանը հանդես է գալիս այդ բանաստեղծությամբ, որտեղ ընդգծում է երկու ազգերի հոգեհարազատությունը, հին ժամանակներից եկող բարեկամությունը և կոչ անում ավելի ամրապնդել եղբայրական համագործակցությունը: Հակադրվելով հույ և վրաց դրկից ազգերի թշնամանքից խոսող ազգայիններին, հեղինակը շնչավորել է երկու ժողովուրդներին խորհրդանշող Մասիս և Կազբեկ լեռները. դիմելով Կազբեկին, Մասիսն ասում է, որ իրենք երկուսն էլ «հին փառքերով» ու «նոր ցավերով» ազգականներ են և միասին բազմիցս են կանգնել փոթորիկների դիմաց: Բանաստեղծը արտահայտում է այն գաղափարը, որ նոր ժամանակներում էլ ազգամիջյան թշնամանքի քաղաքականությանը կու՛յ շնչալու, հետևապես և չպարտվելու համար անհրաժեշտ է միասնական լինել, որ հայ և վրաց ժողովուրդների բարօրության ամենաառաջին ու կարևոր սլոգանը հաշտությունն է.

Այստեղ տուր ձեռքդ, մոտեցիր, ընկեր,
Ի՞նչ նայի՜ր ետև, ինչ է կատարվում...
ԻՄԵՆՔ հո եղբայր եմք դարերից ի վեր,
ԻՄեզ հո միե՛նույն կրակն է այրում:

Մոտեցիր, իմ հին ազգական,
 Եվ թող որոտան լեռները բոլոր,
 Թող լինեն վկա մեր նոր հաշտության, —
 Խոսքս վերջացրեց Մասիսն ալևոր¹:

Այս բանաստեղծությամբ սկզբնավորվեց այն գործունեությունը, որ մեծ դեմոկրատը հետագայում ծավալեց ազգերի խաղաղ գոյակցության, ժողովուրդների բարեկամության ամրապնդման ուղղությամբ: Հարևան ազգերի պատմությանը լավատեղյակ բանաստեղծին քաջ հայտնի էր, որ «միևնույն կրակով այրվող» հայ և վրաց ժողովուրդները, չնայած հերոսական մաքառումներին, պատմական որոշ ժամանակահատվածում գրկվելով իրենց ազատությունից, այնուհանդերձ չէին կորցրել լավագույն ապագային հասնելու հույսը: Հովհ. Թումանյանը հավատում էր, որ հալածանքների ու տանջանքների ներքո չի ընկճվել երկու ազգերի կամքը, որ կգա ազգային ու սոցիալական ազատագրության ժամը և պայքարում էր դրա համար: Ժողովուրդներին ծառայելու պատրաստակամ բանաստեղծը, իր գրական գործունեության ընթացքում անխղճ խղճիորեն կապված լինելով աշխատավոր մասսաների հետ, փառաբանելով նրանց հոգու պայծառությունը, իր ստեղծագործություններում որպես մարդկության երջանկության և բարօրության նախապայման ընդգծում էր խաղաղության անհրաժեշտությունը, և այդ ամենի շնորհիվ նրա գործունեությունը լայն ժողովրդականություն էր վայելում:

Ապրելով ու գործելով Վրաստանի մայրաքաղաքում, Հովհ. Թումանյանը իր ուշադրության կենտրոնում է պահել առաջին հերթին հայերի և վրացիների փոխհարաբերության հարցը: Լավագույն ցանկություններ և անկեղծ դժգոհումներ տածելով դեպի բոլոր, մասնավորապես անդրկովկասյան եղբայրական ժողովուրդները, հատկապես ակնածանքով է նա խոսել հայերի և վրացիների դարավոր բարեկամության մասին, շեշտելով նրանց բախտակից ու հարազատ եղբայրներ լինելու հանգամանքը, դարերի ընթացքում թշնամիների դեմ մղած կռիվներում նրանց համագործակցությունը: «Եվ էն երկու ժողովուրդը, — գրել է Թումանյանը, — որոնք իրենց պատմությունը սկսում են նրանով, թե Հայկոսը (Հայկ) և Քարթլոսը եղբայրներ էին, մնացել են ու մնում են անսասան՝ կապված իրենց փոթորկալից պատմական ճակատադրով և մեծագույն հիշատակներով»²:

Հայ և վրաց ժողովուրդների «փոթորկալից պատմական ճակատագրին», նրանց բախտակից լինելու փաստին Հովհ. Թումանյանը անդրադարձել է Խ. Աբովյանի «Վերք Հայաստանի» վեպին նվիրված իր շատ ուշագրավ ուսումնասիրության մեջ: Համակողմանիորեն ուսումնասիրելով հայ ժողովրդի պատմությունը, ինչպես նաև պատմական իրադարձությունների ընթացքը, բանաստեղծը համոզվել է, որ հայության և անդրկովկասյան մյուս բախտակից ժողովուրդների փրկարարը անընդհատ բնաջնջումներից ու կոտորածներից ևղբի է Ռուսաստանը:

Թումանյանը շեշտում է, որ հայերը և վրացիները «դարերի փորձով տեսան», որ անկարող են պայքարել «շրջապատող այլակրոն ու բարբարոս ցեղերի դեմ», որ «մի հզոր ձեռք է հարկավոր էս բարբարոսական հեղեղի դեմ»: Եվ

¹ Հովհ. Թումանյան, Երկերի ժողովածու, 6 հատորով, հատ. 1, էջ 449—450:

² Նույն տեղում, հատ. IV, էջ 421:

նրանք իրենց հայացքը հառում են դեպի Ռուսաստան, որովհետև «հայերի հետ քրիստոնյա վրաստանն էլ ուժ չունեին, ճար ու ճանապարհ չունեին: Ամեն տեղ դիմել, ամենքին փորձել էին ու հասկացել, որ միայն Ռուսաստանն է լինելու իրենց էդ դժոխքից փրկողը: Եվ դիմում էին ու դիմում, աչքները հյուսիս հառած Կովկասի նահատակ քրիստոնյա ժողովուրդները, սպասում գալիք փրկարար օրին ու հարվածին»³:

Խորամուկ լինելով պատմական իրադարձությունների մեջ և նկատի ունենալով պատմության դասերը, Թումանյանը, ճիշտ կողմնորոշվելով, հաստատում է. «Դարերի փորձը, պատմության ընթացքն ու ժամանակի մատը ցույց տվին, որ այդ հույսն ու ապավենը Ռուսաստանն էր լինելու, որ օրեցօր զորանալով ու իր ափերից դուրս հորդելով, իր դիվիզիաներով հորձանք էր տալիս դեպի արևելք: Եվ Հնդկաստանից մինչև Կովկաս, ամենայն հայոց կաթողիկոսից մինչև վերջին շինականը՝ հայ ժողովրդի հայացքը կենտրոնացավ Ռուսաստանի վրա: Հիրավի, հզոր Ռուսաստանի արևելյան քաղաքականությունն ու տանջվող հայ ժողովրդի հույսերը բռնում էին իրար: Այստեղից էլ առաջ եկավ այն մոտիկությունն ու այն ջերմ հավատը, որ գոյություն ունեւ ռուս պետության ու հայ ժողովրդի մեջ և որ անաղարտ ու անսասան մնում էր մինչև ութսունական թվականները:

Այդ հավատն ու սերը երկուստեք արդարացան կովկասյան պատերազմների մեջ, իսկ կովկասյան պատերազմների մեջ՝ հայոց պատմության տեսակետից՝ առանձին կարևորություն ունի 1826—1827 թվականների ռուս-պարսկական պատերազմը»⁴: Այդ պատերազմից հետո հայ ժողովուրդը մեկընդմիջտ ադատագրվեց արևելյան բռնապետության կամայականություններից, և անդրկովկասյան ժողովուրդներն արդեն ամբողջովին իրենց բախտը կապեցին ռուս մեծ ժողովրդի հետ: Եվ իրավացի է Թումանյանը, երբ գրում է. «Կովկասում եղած ռուս-տաճկական կամ ռուս-պարսկական պատերազմները իրենց հետևանքներով գուցե այնքան նշանավոր չեն եղել կովով կողմերի համար, որքան կովկասյան ժողովուրդների, մասնավորապես հայերի համար»⁵:

Հեռատես բանաստեղծն իր հայրենիքի բախտը երբեք չի կապել եվրոպական պետությունների հետ: Տեսնելով անլուր տառապանքների մեջ գալարվող հայրենիքը և ասես պատասխանելով եվրոպամուլ գործիչներին, նա գրել է.

Ինչո՞ւ ես տխուր,
Թվառ Հայաստան,
Է՞ր է վիզդ ծուռ,
Մայր իմ սիրական:

Ինչո՞ւ աչերդ
Լի են արտասուք,
Է՞ր ես խեղճ նայում
Դեպի արևմուտք:

Դուն էլ լավ գիտես,
Որ արևմուտքեն
Օգուտ չրկա իեզ
Զատ անբույժ վերքեն⁶:

³ Նույն տեղում, հատ. VI, էջ 261—262:

⁴ Նույն տեղում, էջ 254—255:

⁵ Նույն տեղում, էջ 257:

⁶ Նույն տեղում, հատ. I, էջ 433:

Իր հայրենիքին «անբույժ վերք» հասցնող եվրոպական պետությունների հասցեին նետված առաջին խոսքն է սա, որ հետագայում ավելի հիմնավոր է դառնում: Իրեն հատուկ խորաթափանցությամբ ուսումնասիրելով հայ ժողովրդի պատմական անցյալը և խորամուխ լինելով ժամանակի հասարակական-քաղաքական իրադարձությունների մեջ, Հովհ. Թումանյանը, պատմության դասերով իմաստնացած, անհաշտ պայքար է մղում հայության ապագայի խնդիրը առաջադեմ Ռուսաստանից անջատող ու եվրոպական պետություններին ապավինող քաղաքագետների դեմ և ռևոլյուցիոն փաստերի օգնությամբ անողորմ կերպով մերկացնում Արևմուտքի նենգ քաղաքականությունը հայոց հարցում: «Հայկական հարցը վայրենի կոտորածների և կեղեքումների հարց է, — գրել է Թումանյանը, — հալածանքների ու գաղթականությունների հարց է. նա գերադանցորեն ֆիզիկական գոյության խնդիր է: Եվ նրա հաջողությունը միշտ կապված է եղել Ռուսաստանի հաջողության հետ: Ով վեր է կացել Ռուսաստանի հաջողության դեմ, վեր է կացել հայկական հարցի հաջողության դեմ, և ով Ռուսաստանի դեմ պաշտպանել է Տաճկաստանին, նա մեղսակից է տաճկական գաղանթյուններին ու հայկական սարսափներին: Նա պատասխանատու է հայ ժողովրդի ծով արյան ու մարդկության պառմոթյան առաջ»⁷:

Հովհ. Թումանյանը, իհարկե, չէր անտեսում, որ ռուսական կայսրության հիմնական նպատակը անդրկովկասյան ժողովուրդներին արևելյան բռնապետություն լծից ալաւազրելը չէր, այլ դեպի հարավ իր տիրապետության սահմաններն ընդլայնելը և Անդրկովկասից դեպի Սև ծով ու Պարսից ծոց դուրս գալու Թումանյանն ընդունում էր իր ընդդիմախոսների նման փաստարկումները: «Հարկավ, — գրում է բանաստեղծը, — մարդիկ կլինեն, որ կառարկեն, թե էդ ամենը Ռուսաստանը արել է, կանի, որովհետև էդպես են պահանջում իր շահերը: Ես դրան կպատասխանեմ... — Ավելի լավ, որ հղոր Ռուսաստանի ու հայ ժողովրդի շահերը բռնում են իրար: Հենց դրա մեջն է կայանում հայ ժողովրդի օգնությունը, և դրանով է նա հաստատ»⁸:

Բանաստեղծը չի ժխտում, որ արևելյան արշավանքների ժամանակ Ռուսաստանին անհրաժեշտ էր անդրկովկասյան ժողովուրդների օժանդակությունը, որովհետև «... Կովկասը իր բարեկամ ժողովուրդներով Ռուսաստանի համար թե ուղիական, թե տնտեսական տեսակետից հանդիսանում էր միակ ու հաստատուն կովանը Արևելքում: Էսպեսով էլ երկուստեք դաշն ու հավատարմությունը ապահովված էին վերին աստիճանի կենսական ու հաստատուն երաշխիքներով»⁹:

Հայ և ռուս ժողովուրդների բարեկամության ամրապնդման դիրքերում կանգնած բանաստեղծի համար բոլորովին պատահական չէ այն հանգամանքը, որ նաև ևս Աբովյանի «Վերք Հայաստանին» բարձր է գնահատել առաջին հերթին որպես մի խոշոր կտավ, որտեղ արտացոլվել են 1826—1827 թթ. ռուս-պարսկական պատերազմի զրվադները, զրվագներ, որոնք մեծ հայրենասերի գրչի ուժով ներծծվել են ռուսասիրությամբ: «Վերք Հայաստանի»-ն ամենից առաջ նրա համար է սիրելի և թանկ մեր ժողովրդին», որ հանդիսանում է հրա-

⁷ Նույն տեղում, հատ. IV, էջ 230—231:

⁸ Նույն տեղում, էջ 215:

⁹ Նույն տեղում, էջ 227:

Քափ բերան ամբողջ ազգի, կրակոտ բողոք ընդդեմ ասիական կոպիտ ու խավար բռնակալության, հարադուր թարգման հայի պատմական տրամադրության, մի հին ցանկություն— տեսնել որսին իրենց աշխարհքում: Եվ արձապանքը այնքան նշանավոր ժամանակի և դեպքերի, որ հայի համար բերին մի նոր դրություն, մի նոր օր ու կյանք»¹⁰,—գրել է Թումանյանը իս. Աբովյանին նվիրված իր անավարտ ուսումնասիրության մեջ:

Հովհ. Թումանյանը իր «Կարևոր հույսն ու դարևոր ճանապարհը» հոդվածում մատնանշել է, որ հայ և ռուս ժողովուրդների հնուց եկող փոխադարձ վստահության հանգամանքը հաճախ անտեսվել է ցարական պաշտոնյաների կողմից, որոնցից «եղել են էնպեսիները, որ նույնիսկ իրենց հակառակ ընթացքով սլափառ են դարձել շատ թյուրիմացությունների ու ժամանակավոր սառնություն: Բայց նրանք, որոնք պարզ աչքով են նայել գործին ու ճշմարիտ գաղափար են կազմել, նրանց բոլորի վերաբերմունքը եղել է պարզ ու կտրուկ— հայասեր»¹¹:

Մեծ հումանիստը, ջերմորեն սիրելով ռուս աշխատավոր մարդուն, նրան երբեք չի նույնացրել ցարական իշխանության ներկայացուցիչների հետ, միշտ էլ խոր ատելություն է տածել ռուս իշխանավորների, ռուսական չինովնիկության նկատմամբ: Այս առումով ուշագրավ է բանաստեղծի «Փորձիչը» հոդվածը, որտեղ պատմասխանելով ռուս ռեակցիոն հրապարակախոսներից մեկին, որը կասկածի տակ առնելով հայ և ռուս ժողովուրդների բարեկամությունը, հավատ չի ընծայում հայության հավատարմությանն ու համերաշխությանը ռուս մեծ ազգին և պնդում է, թե դեռևս պետք է ստուգման ենթարկել, փորձել հայ ժողովրդի տածած զգացմունքները դեպի Ռուսաստանը, Թումանյանը բորբոքված, արժանապատվության բարձր գիտակցությամբ գրում է. «Դուք ո՞վ եք, որ ուզում եք մեղ փորձի ենթարկել: Մի՞թե դուք եք հանդիսանում այն Ռուսաստանը, որին վերադարձել են հայերը, մի՞թե դուք նրա հարազատ ներկայացուցիչն եք: Մի՞թե դուք նրա թարգմանն եք:

Ի՞նչ: Երբե՞ք: Մենք եկել ենք ու գալիս ենք դեպի Ռուսաստանը, դեպի մեծ Ռուս ազգը, և եթե սիրել ու հարել ենք—նրան, ոչ թե ձեզ ու ձեր նմաններին, որոնք միշտ եղել են փոքր ու անսիրելի: Եթե մենք միացած ենք անբաժան, ուսուկան պետությանն ենք միացած, նրանից ենք տեսել բարիքներ, նրա հետ ենք կապել մեր հույսերը, նրան էլ ծառայել ենք հարազատի նման ամեն ասպարեզում: Եվ այնուհետև. «Եթե մենք կապված ենք եղել ու էսօր էլ նորից ավելի գիտակցաբար, ամրապնդում ենք կապը, էդ ռուս լավ մարդու հետ է, որի սրտի բարությունն ու մեծությունը վայել են իր հայրենիքի մեծությանն ու ազգային ուժին, ոչ թե ձեզ հետ, որ միշտ եղել եք փոքրոգի ու նեղսիրտ և խոսել միայն խորթությունից ու թշնամությունից»¹²:

Անդրկովկասյան ձնշված ժողովուրդների ազատագրումը և ապագան կապելով ռուս ժողովրդի ազատագրական պայքարի հետ, Հովհ. Թումանյանը ցարական, ճորտատիրական Ռուսաստանը երբեք չի նույնացրել առաջագեմ, հեղափոխական Ռուսաստանի հետ: Նա տեսել է երկու Ռուսաստան, Պուշկինի, Էրմոնտովի, Բելինսկու հայրենիքը տարբերել է «տերերի ու ստրուկների»:

¹⁰ Ն. Թումանյան, Հովհաննես Թումանյանը և ռուս գրականությունը, Երևան, 1956, էջ 12:

¹¹ Նույն տեղում, հատ. VI, էջ 203:

¹² Նույն տեղում, հատ. IV, էջ 270:

«կապույտ մունդիրավորներին», ոստիկանական Ռուսաստանից, Համադրելով ռուս առաջավոր մտածողների հայրենասիրությունը և Անդրկովկասում փոխարա Գուլիցինի գլխավորությամբ գործող շինովնիկության վարած քաղաքականությունը, բանաստեղծը համոզվում է, որ ցարական միապետությունը չէ. որ պետք է լիիրավ ազատություն բերի անդրկովկասյան ժողովուրդներին: Թումանյանը պարզ տեսնում է, որ ռուսական կայսրությունը, որպես գաղութարար, ճնշում է փոքր ժողովուրդներին և իր իշխանությունը ավելի հաստատուն պահելու նպատակով նրանց լարում միմյանց դեմ: Հետագայում, «Պայծառ էջեր» հոդվածում, նա այդ ժամանակաշրջանի մասին գրում է. «Հեղափոխության ուրվականից վախեցած ռուսական բյուրոկրատիան մի շար խաղ հնարձ, ցանկանալով բաժանել նրանց և դրանով զբաղեցնել նրանց ուշադրությունը: Էդ ուղղությամբ նա գործի ձեռնարկեց և Անդրկովկասում: Անդրկովկասում պետք էր իրար դեմ հանել երեք ժողովուրդ—հային, վրացուն ու թուրքին»¹³: Եվ ցարական կառավարությունը, անդրկովկասյան ժողովուրդներին ռուսական առաջին հեղափոխության պայքարից հեռու պահելու նպատակով, գործի է դնում պրովոկացիոն մեքենան: Միապետության նկրտումները պսակվում են հաջողությամբ. տեղական նացիոնալիստների և ցարական պրովոկատորների օժանդակությամբ 1905 թ. կազմակերպվում են հայ-թուրքական կոտորածները: Հարևան ու բախտակից հայ և ադրբեջանցի ժողովուրդները, զոհ գնալով ցարիզմի հրեշավոր ազգային քաղաքականությանը, ելնում են իրար դեմ: Այդ եղբայրասպան կոփվների դեմ ընդվզում են ժամանակի առաջագեմ գործիչները, գրողները և մերկացնելով ազգերի մեջ թշնամանք սերմանող միապետության նպատակները, նրանք ազգային ատելության գաղափարախոսությանը հակադրում են հայ և ադրբեջանցի ժողովուրդների համերաշխության ու դարավոր բարեկամության գաղափարը:

Ազգերի խաղաղ համակեցության համար մարտնչող գործիչների շարքում առաջիններից մեկն է լինում Հովհ. Թումանյանը, որն այդ խառնակ ժամանակաշրջանում, իր կյանքը վտանգի ենթարկելով, եղբայրության ու բարեկամության քարոզով շրջում է իռու և Ղազախի հայկական ու ադրբեջանական գյուղերը: Հետագայում մեծ հումանիստը իր այդ շրջանի գործունեության փոքր մի հատվածը արտացոլել է «Ալլահից շրկվածը» պատմվածքում: Վերհիշելով հայ-թուրքական այդ ընդհարումները, Թումանյանը գրում է. «1905 թվի աշնանն էր, թուրք-հայկական ընդհարումների ամենակատաղի ժամանակը: Ես իմ հայրենիքում էի—Լոռու սարերում: Մենք մի ժողով արինք ու որոշեցինք, թե՛ լոռեցիներս չենք կռվում մեր հարևան թուրքերի հետ, որովհետև եթե ուժեղ ենք՝ անխղճություն է դա, իսկ եթե թույլ ենք՝ հիմարություն է: Բարձրացնում ենք սպիտակ դրոշակ և աշխատում ենք սերն ու խաղաղությունը պահել մեր սարերում ու ձորերում»¹⁴:

Լեւոնաճուլճ այդ պատմվածքը, որը ժողովուրդների միջև խաղաղություն ու համերաշխություն վերականգնելու ասպարեզում Թումանյանի գործունեության ամբողջ շղթայի մի օղակի, մի դեպքի նկարագրությունն է, ներծծված է ջերմ մարդասիրությամբ, մարդասիրությամբ, որն այն ժամանակաշրջանում անհավատալի է թվում ադրբեջանցի գյուղացի Բայրամին, որի կյանքը փրկում

¹³ Նույն տեղում, էջ 421:

¹⁴ Նույն տեղում, հատ. III, էջ 86:

է հայ բանաստեղծը: «Շտապում եմ մի ընդհանուր առաջ ուրախացնել նրան,— գրում է Թումանյանը,— թե ապահով է ու գտնվում է իր եղբայրների մեջ, ուզում եմ մի ընդհանուր առաջ վայելել այդ վայրկյանի գերազանց հաճությամբ»¹⁵. Մական Բայրամը չի հավատում և երբ համոզվում է, որ իր կյանքի փրկությունը իրականություն է այդ դժգոհ օրերին, նա իր փրկարարին համարում է ավլահի կողմից ուղարկված ու քիչ անց հանգիստ քնում: Իսկ Թումանյանը մեծ գործ արած մարդու իրավացի գիտակցությամբ նայում է քնած աղբյուրանցուն և նրան թվում է, թե Բայրամը «հանդստանում էր ավլահի հովանավորության տակ, որ ասես թե նայում էր վերևի ջինջ կապույտից, իսկ ես նրանից պահապան էի կարգված, որ ոչ ոք չխանգարի Բայրամի հանգիստը: Ես այն ընդհանուր պահանջի պաշտոնի ամբողջ վեհությունը, և ոչ ոք չէր կարող խանգարել նրա հանգիստը»¹⁶:

Վեհության այդ զգացումով էլ Թումանյանը լոռեցիների անունից կոչ է հղում հարևան աղբյուրանական գյուղերի բնակչությանը: Ուշագրավ է այն պատճառաբանությունը, որը ժողովուրդների հաշտարարի դերում հանդես եկող բանաստեղծը ծառայեցնում է որպես երկու հարևան աղբյուրի միջև համեմատականություն և խաղաղություն վերականգնելու միջոց. դա դարերի ընթացքում սրբազորված եղբայրության և հյուրընկալության սովորությունն է: Թումանյանը լոռու ձորերում ապրող աղբյուրանցի ազգաբնակչությանը համարում է «հեռու աշխարհից» եկած և իր հայրենիքում հյուրընկալված մի ժողովուրդ, որը դառնալով քրտինք թափելով՝ զբաղված է իր հալած աշխատանքով և մինչև հայ-թուրքական կոտորածների օտարություն չի զգացել հայոց աշխարհում:

Հայ-թուրքական ընդհարումների մղձավանջային օրերը բանաստեղծը համարել է դարձ դեպի պատմական բարբարոսությունները. «...մի երկու ամսում դարեր ապրեցինք,— ընդգծել է նա,— Զինգիլիսանի ու Լենկթեմուրի դարերը: Նրանց անօրենությունները տեսանք XX դարում...»¹⁷: Մարդկության պատմության այդ հատվածը Թումանյանը բնութագրել է որպես գազանացած կրքերի ժամանակաշրջան և նշել, որ «մարդիկ քիչ են—գազանները շատ: Եվ այժմ ապրում ենք մի ժամանակ, երբ մեծ ասպարեզ կա մարդու էդ վայրենի բնազդին և նա հանդես է եկել ահելի շափերով»: Այսուհանդերձ, Թումանյանը համոզված է, որ ազնիվ մղումներով մարդիկ դեռևս իսպառ չեն վերացել, որ «լավ հոգիներն էլ իրենց ամբողջ փայլով հրապարակ են իջել»¹⁸ և դեմ-դիմաց պայքարում են ընդդեմ պառակտիչների:

Հովհ. Թումանյանը գոհունակությամբ է խոսել հայ և աղբյուրանցի ժողովուրդների միջև հաշտություն վերականգնելու գործում իր կատարած դերը մասին: «Ամեն ջանք շարունակ գործ եմ դրել մեր գավառներում խաղաղությունը պահելու և կոտորածների առաջն առնելու: Եվ այսօր այնքան գոհ չեմ, որ գրականության մեջ մի որևէ բան եմ արել, որքան գոհ եմ, որ ակներև կարողացա՝ իրար դեմ կանգնած ժողովուրդների սրերը պատյան դնել տալ և շատ ու շատ անմեղների ազատել այս գազանական կոտորածից»¹⁹,— գրել է Թումանյանը Փ. Վարդազարյանին հասցեագրված նամակներից մեկում:

¹⁵ Նույն տեղում, էջ 87:

¹⁶ Նույն տեղում, էջ 88:

¹⁷ Նույն տեղում, հատ. V, էջ 295:

¹⁸ Նույն տեղում, էջ 303—304:

¹⁹ Նույն տեղում, էջ 298:

Իր այդ պայքարում Հովհ. Թումանյանը ղեկավարվել է այն պարզ գիտակցությամբ, որ ժողովուրդները թնության մեջ ու բնության հետ ձուլված են ապրում, և դարերով ապրած կյանքն ու փորձն է նրանց առաջնորդում: Էդ է պատճառը, որ նրանք էսքան էլ կարողանում են դիմանալ էն բոլոր թույներին, որ ներաբերում են նրանց տանջված մարմնի մեջ հազար ու մի տեսակ կառավարիչներ ու ղեկավարներ ամեն տեսակ բարձր դադափսրի անուշուշ և կամ ուղղակի՝ բարբարոսաբար՝²⁰:

Բնության մեջ միաձուլվ ու համատեղ, եղբայրաբար ապրող հայ և ադրբեյջանցի ժողովուրդների հոգեհարազատության զաղափարի ղեկավարվեստական մարմնավորումն է «Ահմադ» պատմվածքը, որ Թումանյանը գրել է հայ-թուրքական ընդհարումներից հետո և որն ուղղված է նացիոնալիզմի ու ցարիզմի «լարած քաղաքականության դեմ»:

Միմյանց հաջողությամբ ուրախանալը, իսկ նեղ օրերին իրար «հարեհաս» լինելը սովորական երևույթ է եղել երկու ժողովուրդների կյանքում նույնիսկ այն շարաբաստիկ օրերին, երբ պրովոկացիայի զոհ դարձած, թշնամանքի թուլնով մոլորեցված հարևան ազգերը ելել են իրար դեմ: Եվ բարեկամական այդ փոխհարաբերությունները հայ-թուրքական կոտորածների տարիներին ևզակի չեն եղել: Թումանյանը այդ հանգամանքին անդրադարձել է Լ. Ղիփիա-նուն գրած նամակում, որտեղ նշելով, որ ժողովուրդների մեջ ընդհանրապես ուժեղ է միմյանց օգնության ձեռք մեկնելու զգացմունքը, որպես օրինակ բերում է հայերի ու ադրբեյջանցիների փոխհարաբերությունները ազգամիջյան կոիկների ժամանակ: «Ես ձեզ էն տեսակ սրտառուչ դեպքեր կպատմեմ,— գրում է բանաստեղծը,— և շատ ու շատ դեպքեր թուրքերի ու հայերի հարաբերություններից, էն տեսակ սրտալի եղբայրական վերաբերմունք թե՛ թուրքի, թե՛ հայի կողմից, որ կդարմանանք: Եվ էդ էլ էն ժամանակ, երբ վատությունն ու կոտորածը ամեն կողմից քաջալերվում է ու բորբոքվում, իսկ լավությունն անելն արգելվում, նույնիսկ մահվան սպառնալիքով արգելվում»²¹:

Հովհ. Թումանյանը քաջ գիտեր, որ ազատագրական մեծ պայքարի ելնելու առաջին ու կարևոր նախապայմանը ժողովուրդների խաղաղ զոյակցությունն է, նրանց համերաշխությունը և միատեղ ու աննահանջ կոիվը տիրող կարգերի դեմ: Այդ իսկ պատճառով բանաստեղծին վրդովեցնում, վշտացնում էին անդրկովկասյան ժողովուրդների վերուստ ժրհրված ընդհարումները, որոնք լափազանց անպատշճ էին այնպիսի մի ժամանակաշրջանում, երբ նրանք, ընդհակառակը, պետք է մթաձուլվ հանդես գային ու միանային Ռուսաստանի ազատագրական պայքարին:

Ժողովուրդների լուսավոր ապագայի հաստատման ձգտող բանաստեղծը, հետևելով հասարակական-քաղաքական դեպքերի զարգացմանը, կանխազգում է, որ XX դարի առաջին տասնամյակում բորբոքված հայ-թուրքական կոտորածներին հաջորդող անդորրը շարադուշակ է, կարճատև դադար է միայն և որ «չար բախտի» հողմապտույտը ոչ հեռու ապագայում դարձյալ վերընթաց է ապրելու և իր մեջ առնելով մեծ ու փոքր ժողովուրդներին՝ բախումը դարձնելու է անխուսափելի, որն անտարակույս մահացու հարված է հասցնելու փոքրաթիվ

²⁰ Նույն տեղում, հատ. IV, էջ 417:

²¹ Նույն տեղում, էջ 417:

ազդերի ինքնության խնդրին, և շատ հավանական է՝ ընդմիշտ վճռելու է նրանց լինել-չլինելու հարցը:

Կանխատեսելով, որ առաջիկայում պատերազմն անխուսափելի է և որ այն հասկապես ճակատագրական կարող է լինել փոքրաթիվ, մասնավորապես անդրկովկասյան ժողովուրդների համար, որովհետև այդ ժողովուրդների պաշտոնյա գործիչները շարունակում են գնալ «... նույն հին ճանապարհով, նույն հին ձևի պայքարներով, նույն հին երգերով... միշտ ստեղծություն բորբոքելով ու հետզհետե գրավելով ավելի մեծ բազմություններ ու ավելի մեծ տարածություններ»²², Թումանյանը զարհուրանքով նկատում է, որ նման իրավիճակը սլատերադմական արհավիրքների տարիներին կարող է ավելի խորանալ, տեղիք սույլ նոր թյուրիմացությունների, ազգամիջյան նոր ընդհարումների, որի մղձավանջային թանձր խավարին կույ կգնան ազգերն ու ցեղերը:

Եվ սկսվում է առաջին համաշխարհային պատերազմը, որի նախադրյալները չէին վրիպել բանաստեղծի սրատես հայացքից: Ըստ Թումանյանի, մեծ պետությունների միացյալ ուժերը չէին միայն այն գործոնը, որ կանգնեցնելու էր կայդերական Գերմանիայի «խելագար թափը». առկա էր մի այլ, ավելի հուժկու գործոն: Դա դեպի ամեն կարգի նվաճողներն ու բռնադրավիճները ժողովուրդների տածած խոր ատելությունն էր, որ միացնում էր նրանց, բացառիկ կուռ ամբողջություն ստեղծում և դարձնում անպարտելի մի ուժ, որի միահամուռ հարվածների ներքո տեղի է տալիս անխորտակելի թվացող ամեն մի նվաճող ու գաղութարար: Բանաստեղծը նման միասնական ուժի հիանալի մարմնավորումն էր համարում Ռուսաստանի ժողովուրդների կռիվը ընդդեմ ընդհանուր թշնամու:

Եվ այդ է պատճառը, որ բանաստեղծին վշտացրել ու անհանգստացրել են այն խմորումները, որոնց նպատակն էր խարխլել ընդհանուր թշնամու դեմ ելած ժողովուրդների միասնությունը, ազգային կրքեր բորբոքելու միջոցով վտանգել նրանց համերաշխությունը: Հովհ. Թումանյանը հիանալի գիտակցում էր, որ այդ արհավիրքի օրերին բուրժուական հրապարակախոսների կողմից քարձրացված անհեռատես ազգային բանավեճերը կարող են ճակատագրական լինել այս կամ այն ժողովրդի համար: Մասնավորապես վտանգավոր էին ռուս և անդրկովկասյան ժողովուրդների բարեկամական փոխհարաբերությունները կուսկածի տակ առնող վեճերը, որոնք կարող էին թշնամացնել ժողովուրդներին, և այդ դեպքում արդեն որևէ աղդի անկումը կդառնար անխուսափելի:

Սակայն Թումանյանը համոզված էր, որ ժողովուրդներին թշնամացնելու զաղափարը կարող է համակել միայն առանձին գործիչների: Այդպիսի գործիչների դեմ, որոնք պատմական կամ այլ փաստերի կեղծարարության միջոցով ցանկացել են բարեկամ ժողովուրդներին թշնամացնել, բանաստեղծը տարել է համառ և սկզբունքային պայքար:

Ժողովուրդների փոխհարաբերությունների հարցը, մանավանդ պատերազմի տարիներին, միշտ գտնվել է Թումանյանի ուշադրության կենտրոնում: Այդ ասպարեզում ծավալվող բանավեճի հիմնական ծանրությունը կամովին իր ուսերին առած, նա ձգտել է անարձագանք չթողնել հակառակորդ կողմի ազգերին թշնամացնելու նպատակով կիրառվող բանսարկությունները, որոնց մեջ մտնում էին այս կամ այն հասարակական երևույթների շարամիտ մեկնաբա-

²² Նույն տեղում, էջ 104:

նումները, ազգային կրքեր բորբոքող զանազան խնդիրների առաջ քաշումը, ազգային հերոսների զրպարտումը և այլն: Թումանյանին, օրինակ, անշափ վրդովեցրել են ազգային հերոս Անդրանիկի վերաբերյալ ռուս և վրաց պաշտոնական թերթերում տպագրված զրպարտչական մի քանի հոդվածները, որոնց համաձայն Անդրանիկն իբր թե «խմբեր է կազմում վրացիների դեմ»:

Հովհ. Թումանյանը, ստուգելու նպատակով, թե արդյոք վրաց ժողովրդի միտքն ու հոգին թունավորող նման հայտարարության համար որևէ հիմք կա՞, Անդրանիկին ծանոթացնում է այդ հոդվածների բովանդակությանը: Հայ ազգային հերոսը զարմանում է, «որ մի որևէ վրացի,— վկայում է բանաստեղծը,— թեկուզ նրանց միջի ամենահիմարն էլ, կարող է մտքովն էս տեսակ բան անցկացնել»:

— Խեղճ մարդիկ, բացականչեց. Անդրանիկը եթե խումբ կազմելու լինի, ոչ թե ձեր դեմը դալու համար կկազմի, այլ ձեզի օգնելու, եթե երբևիցե դուր էլ նեղության մեջ լինիք մի էնվերի ձեռքից, ինչպես մեր ժողովուրդն է... էսպես գրե նրանց...

էսպես ասավ Անդրանիկը: Բայց ո՞ւմ գրեմ, որ տեղ հասնի, և ի՞նչպես ասես, որ հավատա ու ամաչի ու լուի նա, որ, ինչպես ասի, կամ մի թշվառական տխմար է կամ անսիրտ շարախոս»²³:

Եվ որպեսզի հերքի հայ ազգային հերոսի մասին նետված հերյուրանքները ու ներկայացնի Անդրանիկի դիրքորոշումը ազգերի նկատմամբ, Թումանյանը տալիս է նրա դիպուկ բնութագիրն այդ տեսանկյունից. «...նրանք ո՞րտեղից են ճանաչում Անդրանիկին, և իսկի կարո՞ղ են երևակայել, թե նա ինչ զգացմունք ունի դեպի նույնիսկ քուրդը, խաղաղ քուրդը, թե ինչպես է նա խոսում Շեղերտան և նման ուրիշ ցեղերի մասին, և ինչպես է վերաբերում նրանց... ո՞ւր մնաց մտածեր վրացիների դեմ, ինչպես գրում ու տպում են հրապարակավ...»:

էս տեսակ հոգված կարդալուց հետո մուրդ լցվում է անհուն ցավով ամեն անգամ, երբ լսում է նրա, Անդրանիկի սիրած խոսքը, որ հաճախ կրկնում է. «Երբ իրիկունը գլխներդ բարձին կղենք, որ քնանաք, մի քիչ մտածեցեք ձեր ազգի մասին: Այնուհետև մտածեցեք ձեր հարևանի մասին, հայ լինի նա, թուրք լինի, ռուս լինի, վրացի լինի, ով կուզե լինի, և բարի մտածեցեք...»²⁴:

Հովհ. Թումանյանը, իհարկե, համոզված է, որ նման երևույթները սլատահական չեն, այլ ազգամիջյան ատելություն բորբոքող քաղաքականությունից զրոնորումներն են, որոնց պատճառով նա խիստ անհանգստանում է և «լցվում ցավով, որովհետև գիտես՝ դիմացինը կամ տխմարի մի՞նն է, կամ շարի մի՞նր, երկու դեպքումն էլ անհուսալի, թե պիտի զղջա ու ետ առնի իր թունավոր խոսքը: Բայց ավելի ևս ցավալի է, որ վրացի ինտելիգենցիան թույլ է տալիս իր մամուլի մեջ էդպես խոսքեր տպվեն անպատիժ ու անպատասխան», չէ որ նման երևույթները կարող են հեռունները տանել, անախորժությունների և, որ ավելի սոսկալի է՝ զարհուրելի հետևանքների հասցնել, մինչդեռ հայտնի է, որ վրաց մտավորականության զգալի մասը «նախանձախնդիր են իրենց ժողովրդի առողջ կյանքին: Եթե Անդրանիկը խումբ կազմեր վրացիների դեմ, երբևէ էնքան վնաս չպետք է տար վրաց ժողովրդին, ինչքան վնաս են տալիս էս տեսակ հրապարակախոսները, որ թունավորում են ժողովրդի միտքն ու հոգին: Չէ՛ որ

²³ Նույն տեղում, հատ. VI, էջ 224:

²⁴ Նույն տեղում, էջ 224—225:

ներանք էլ են սպանիչներ, և ամենավատ սպանիչները, որ մարդկանց մեջ սպանում են ամենաազնիվն ու ամենագեղեցիկը՝ սերն ու հավատը դեպի իր նմանը, իր ընկերն ու հարևանը»²⁵։

Թումանյանը հավաստում է, որ ամեն ոք պետք է սիրի հարևան ժողովրդի ազատությունը և պայքարի այդ ազատության համար՝ «պարզ գիտակցելով էն հավիտենական ճշմարտությունը, որ մեկի երջանկությունը պայմանավորված է մյուսի երջանկությունով»²⁶։

Բանաստեղծն ամեն կերպ աշխատել է կյանքից վերցված ամենաբնորոշ օրինակներով ցույց տալ, որ դարավոր հարևանության մեջ ապրող հայ և վրաց ժողովուրդները միշտ կապված են եղել բարեկամական սերտ կապերով։ 1919 թ. Լ. Ղիփիանուն գրած նամակի մեջ Թումանյանը պատմում է, թե ինչպես հայ-վրացական ընդհարումների տխուր օրերին Վրաստանի և Հայաստանի սահմանները բաժանող կամրջի երկու հակադիր ծայրերին կանգնեցրել էին վրացի ու հայ ղինվորներին։ «Նրանք երկուսն էլ հրացաններն ուսերին բռնած՝ նայում են իրար»։ Պարզվում է, որ այդ ղինվորները երկար տարիների ռնկերներ են, միասին լավ ու վատ օրեր են անցկացրել, «միասին կերել ու միասին քնել», բայց տերերի կամքով՝ նրանք հրացաններն ուսերին կանգնել են դեմ պիմաց։ Սակայն ղինվորները ձգտում են միմյանց։ Նրանք իրենց շրջակայքում գտնվող գյուղացիներին խնդրում են ստուգել, թե արդյոք հրամանատարությունից ոչ ոք չի երևում։ «Երբ իմանում են՝ որ չկան՝ վազում են, գալիս կամուրջի մեջտեղը գրկվում, համբուրվում, նորից ետ վազում իրենց տեղը կանգնում ու դարձյալ հրացանները ուսերին նայում են իրար»։

Մեջբերելով այս իրական փաստը, ժողովուրդների մեծ հաշտարարն ընդհանրացնում է. «...էն գլխից մինչև էս գլուխը։ Ինչ կռիվ ու կոտորած ուղում է լինի՝ հնագույն բռնապետներից մինչև դեմոկրատիկ հասարակությունները՝ միշտ սարքված են երկրները կառավարողների և ղեկավար շրջանների ու ղեկավար մարդկանց ձեռքով։ Եվ միշտ էդ արվել է հասարակ ժողովրդի, աշխատավոր մարդու կամքի և ցանկության հակառակ։

Եվ հենց դրա մեջն է էն մեծ ու հաստատ մխիթարանքը, որ էդ բոլոր աղետների մեջ ոչ թե հասարակ ժողովուրդն է մեղավոր, այլ նրա իշխանավորները, և քանի շատ էգ վերջինները թուլանան, իսկ իրենք ժողովուրդները դառնան ավելի գիտակից ու անմիջականորեն մոտենան իրար, և քանի իրավունքն ու իշխանությունը անցնի ժողովրդին, հասարակին, ընդհանուրին, աշխատողին—լնքան էլ մեղմանալու են էգ աղետները և վերջապես վերանալու»²⁷։

Ցույց տալու համար, որ XX դարի երկրորդ տասնամյակի վերջին տարիներին ստեղծված հայ-վրացական փոխհարաբերություններն ընդհանուր ոչինչ չունեն այդ ժողովուրդների՝ իրականում գոյություն ունեցող հոգեհարազատության հետ, ղուրկ են պատմական հիմքից, Հովհ. Թումանյանը դիմում է գարեբի վաղեմիություն ունեցող փաստերի և ապացուցում, որ լոռու կամուրջի վրա միմյանց ձգտող հայի ու վրացու մտերմությունը խոր պատմական արմատներ ունի, որոնք գնում սուղվում են անհիշելի ժամանակների խորքը. «Վերջին տեղատվությունը» հոգվածում հեղինակը նշում է. «Ազդերի հարևա-

25 Նույն տեղում, էջ 225։

26 «Սովետական գրականություն», 1962, № 3, էջ 112։

27 Հ. Ո. Վ. Թ. ու մ. յ. ա. ն., երկերի ժողովածու, հատ. IV, էջ 423—424։

նությունների մեջ դժվար կարելի է գտնել ավելի լավ հարևաններ, քան եղել են հայն ու վրացին: Վերցնենք՝ որ հարևան ազգերը կուգեք: Անգլիան ու Ֆրանսիան, Ֆրանսիան ու Գերմանիան, Իտալիան ու Ավստրիան... թուրքն ու պարսիկը և այլն և այլն: Ամենքն էլ իրար դեմ պատերազմ են մղել և հաճախ անհաշտ ու երկար ժամանակ, բայց պատմության մեջ հայտնի չի հայ-վրացական պատերազմ: Երկու ժողովուրդներն էլ եղբայրորեն կարեկցել են իրար, իրար օգնել ու միասին կանգնել դիմադրավել են ընդհանուր թշնամուն, լավ հասկանալով, թե իրենց ճակատագրերն ինչպես սերտ կապված են իրար հետ»²⁸: Թումանյանը դաշնակցականներին դատապարտել է հատկապես այն բանի համար, որ նրանք չեն ցանկացել շարունակել բարեկամական հարաբերությունները վրացիների հետ և իրենց հույսը դրել են «հեռու բարեկամների»՝ Անգլիայի, Ֆրանսիայի և ԱՄՆ-ի վրա, հավատացել նրանց խոստացած օգնությանը և զանազան խժոժությունների դիմելով՝ գժտվել հարևան ժողովուրդների հետ:

Ժողովուրդների խաղաղ համագործակցության ու եղբայրության, խաղաղության ու ազգերի բարեկամության գաղափարների հաղթանակի համար մեծ հումանիստի մաքառումները այսօր էլ չեն կորցրել իրենց արդիականությունը և ծառայում են ժողովուրդների միջև համերաշխություն ստեղծելու գործին:

ТУМАНЯН ГЛАШАТАИ ДРУЖБЫ НАРОДОВ

Т. А. КАРАПЕТЯН

(Резюме)

Любовь и дружеские чувства к русскому, закавказским и другим народам—одна из характерных и славных традиций армянской литературы. В своем творчестве Ованес Туманян воспринял и развил эту добрую традицию, дал наиболее яркий синтез идеи братства и содружества народов.

Великий поэт жил и творил в эпоху, когда в результате хищнической политики империалистических держав значительная часть армянского народа подвергалась систематическому уничтожению. И он глубоко осознал, какое великое значение имел акт присоединения Восточной Армении к России. Глубокий и тонкий знаток истории народов Ов. Туманян, изучая ход и развитие исторических событий, пришел к убеждению, что спасителем армянского и связанных с ним общей судьбой других народов Закавказья всегда был русский народ.

Творчество Ов. Туманяна не потеряло своей жизненности и служит великому делу установления мира и дружбы между народами.

²⁸ «Ժողովրդի ձայն», 1918, № 60: